



Broj: 11-11-2-836/26
Datum: 24.03.2026. godine

Na osnovu člana 41. stav (1) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

ODLUKU

o izboru najpovoljnijeg ponuđača u predmetu javne nabavke „Nabavka i sukcesivna isporuka zimskih i ljetnih guma“

I.

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Nabavka i sukcesivna isporuka zimskih i ljetnih guma“, te se ugovor dodjeljuje ponuđaču „UNITRADE“ d.o.o. Ljubuški, čija cijena ponude nakon provedene e-Aukcije iznosi 10.771,20 KM bez PDV-a.

II.

Odabrani ponuđač je dužan, u roku od pet (5) dana, dostaviti dokaze koji su traženi tenderskom dokumentacijom (član 45. ZJN).

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka i sukcesivna isporuka zimskih i ljetnih guma“, broj Obavještenja o javnoj nabavci: 1412-7-1-50-3-83/26 od 23.02.2026 godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 22.266,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača o čemu su sačinjeni odgovarajući zapisnici, u kojima je utvrđeno da je blagovremeno zaprimljeno pet (5) ponuda, i to od ponuđača „UNITRADE“ d.o.o. Ljubuški, „EURO DAM-JAS“ d.o.o. Lukavac, GUMA VP 200 d.o.o. Mostar, „PGL PROTECT“ d.o.o. Lukavac i R.P.M. GLOBAL TRADE d.o.o. Ljubuški, te da nije bilo neblagovremeno zaprimljenih ponuda.

Uvidom u zaprimljene ponude, Komisija je utvrdila da su iste ocijenjene kao formalno-pravno prihvatljive.

U cilju ispravnosti navedenih cijena, Komisija je izvršila matematičku kontrolu prihvatljivih ponuda te utvrdila da su ponude ponuđača „EURO DAM-JAS“ d.o.o. Lukavac, GUMA VP 200 d.o.o. Mostar, „PGL PROTECT“ d.o.o. Lukavac i R.P.M. GLOBAL TRADE d.o.o. Ljubuški matematički ispravne, dok je od ponuđača „UNITRADE“ d.o.o. Ljubuški aktom zatražena saglasnost za ispravku matematičke greške - koju je ponuđač dostavio 11.03.2026. godine.

S obzirom da je tenderskom dokumentacijom predviđeno održavanje e-Aukcije, u skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23), Komisija je Sektoru za finansije i javne nabavke dostavila akt sa listom svih ponuđača, a u svrhu provođenja e-Aukcije.

Od strane Sektora za finansije i javne nabavke dostavljen je Izvještaj o toku i završetku e-Aukcije, na osnovu kojeg je utvrđeno da je u postupku javne nabavke najpovoljniji ponuđač Unitrade d.o.o. Ljubuški, čija cijena nakon provedene e-Aukcije iznosi 10.771,20 KM bez PDV-a.

Shodno tome, od strane Komisije je data preporuka ugovornom organu da se za postupak javne nabavke „Nabavka i sukcesivna isporuka zimskih i ljetnih guma“ ugovor dodijeli ponuđaču Unitrade d.o.o. Ljubuški.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

DIREKTOR
GLAVNI GENERALNI INSPEKTOR POLICIJE

Igor Marić

DOSTAVITI:

- Sektor za finansije i javne nabavke;
- ponuđačima;
- a/a.-

